

Tu ka šaj te dživdine tlo dživdipe sar tu so mangea, tu ka odlučine korkori tuke, tut ka oven tle sune hem tu ka šaj te kere buti hem te šaj ola te oven ko čaćipa. Odovaj sloboda, hem odovaj o liberalistipe.

TIPIKANE LIBERALIKANE

O liberalistipe značinela sloboda Ama odova na značinela kaj sarine ka keren baš so mangena. Kaj te šaj te važinel I sloboda sarinenge - a na samo okoleske soj najbaro hem najzoralo- tegani trebela amenge zaedničko pravila. Odoleske isi amen ko primer o pravo bašo phravdovakeribe, školakorodužnost hem policija, hem pomožinaja jek javere kerindor buti hem daja love sarine bašo amaro barvalodživdipe. Tipikane liberalikane ideje

PREDUPREDIBE BAŠO LIBERALIKANO SODRŽAJ

O liberalikane ideje taro vreme holjankerena okolen so mangena samo te kontrolirinen hem dirigirinen. E slobodakere protivnikija dičhona javerčhane taro jek vreme ko javer: o kralija, o barvale manuša ule zamenime taro nacistija hem komunistija. Avdive odola i o populistija hem ekstremistija. Ko but thana ko sveto hem ki Švedija ola ikljona hem sikavena plo namangiba primal i demokratija, o džanibe hem o butkulturibe. Akana i vreme te terdžol pe protiv odova. Glasin bašo buteder liberalikani sođžina ki politika.

AMARE NAJVAŽNA PUČIBE

Keda i škola na funkcirinela, hem keda o sikljovne našti te sikljon odova so trebela olenge – tegani tiknjola i sloboda te kerel pe plo dživdipe. Hem keda na uspejnela i integracija tegani o javeripa maškar o manuša bajrola hem ola našti te arakhen korkori peste. Odoleske i škola hem i integracija i najvažno pučiba bašo Liberalerna ko 2018-to beršeskoro biribe.

Amen čivaja i škola ko jekto than odolese so o školujbe dela šajipa baši sloboda. O klasi ka ovel jek than džanibaske, mirno hem bučakoro rahati.

Amen mangaja jek jekhutni Švedija kori so o neve švedžanja ka arakhen (izdržinen) korkori peste hem isto ka den pestar. I čhib, i buti hem o ravnopravnost i o drumo andre ko društvo.



Jan Björklund. Liberalerengoro partijkoro ingardžija. 56-ove beršengoro, bešela ki Bromma ple romnjaja hem ple duje murše čhavencar. Angleder sine školujbaskoro ministeri hem pačala kaj sa lela te ovel jekhe šukar školaja.

Vlada (Radža) O Liberalerna mangena te keren jek nevi vlada barabar e javere partienar ki Alliansen: M, C hem KD. O Liberalerna na ka khuven ki jek vlada so ka del e Sverige –demokraterenge šajipa te uticinen ki vladakiri politika.

Amen siam o Liberalerna Angleder amaro anav sine Folkpartiet. I partija kerdili ko 1934 berš, a ko 2015 phanljam amaro lafi amaro anav te ovel odoa so siam – Liberalerna.

PREDUPREDIBE! Liberalikani sođžina. Šaj te ovel ladžakerutne e populistenge, ekstremistenge hem socialistenge. I fakta hem o humanistipe šaj zorale te phagel o pređasude hem o populistibe.

I ŠKOLA KO JEKTO THAN

Ki škola sakova čhavo ka džanel kaj sa i šajutne. Ama akana sakova eftato sikljovno tari osnovno škola džala ki gimnazija bizo dovolno džaniba. Ko klasija but vare isi akošibe hem raspravie. Nane dovolno učitelija. Okolenge so trebela rahati našti te koncentririnen pes, a okola so šaj te džan po dur - nane olen but stimulacija. Odova našti te ovel adžahar.

Buteder vreme hem čače džaniba. Nane skratimo drumo drumo džiči ko džanibe: trebela vreme hem phirne pedagogija. Amen mangaja buteder sikavibe taro učitelija hem buteder lekcijengere sahatija. I škola ka ovel deš berš sarinenge, a okolenge so trebela buteder vreme - ka del pe olenge odova.

Mir hem rahati ko sa o klasija. Keda isi pohari nemirnost ko klasi tegani i pošukar sar e sikljovnenge (učenikonge) adžahar e sikavnenge. Dejbe podrška porano, buteder specijalno sikavne hem tikne sikavibaskere grupe okolenge so trebela odova. Ko nijek klasi na ka oven mobilno telefonija.

Vazde e učiteljen. E učitelengoro zanati i najvažno zanati - pobare plate hem statusi hem pošukar bučakere preduslovija. Buteder karierakere servizija hem šajipe te džal pe angle. Pošukar školujbe hem buteder pedagogika, ingariba hem praktika.

POŠUKAR INTEGRACIJA

E javere manušengoro avibe ki phuv kerdža i Švedija te ovel pošukar, pogodžaver hem pobarvali ko sa akala berša. Ama avdive dikhaja bare problemija e na andreovibaja, bibučaja hem e nasiguripaja ko naselbe hem ko javera čoole thana. Bute manušen nane ni šansa te dživdinen nezavisno. O neve švedžanja ka izdržinen korkori peste, ka oven jek kotor hem isto ka den pestar.

Čhib hem buti. I čhib i jek karta bašo khujbe andre ko švedikano društvo, ki sloboda hem korkori odlučibe. Amen mangaja te oven haljovkerdo o rodibe te sikljol pe sigate i švedikani čhib. Andrekhujbaskiributi (Inträdesjobb) potikne plataja hem jekčanutne regularencar, kerela buteder manuša te arakhen pli prvo buti.

Ramnopravnost sarinenge. Isto sloboda hem pravija sa e džuvlunge. Te peravel pe o gnavibe so kerela pe bašo čast, odolea so barakerela pe o džanibe, pohaljovde zakonija hem pobare kazne. E religiozikane ekstermistenge hem e moralikane policajcijenge nane than ki modern Švedija.

Posigurna naselbe. Keda o kriminalikane grupe lena o ulice hem o kurke, tegani amaro sakovadivesutnipe ovela nasigurno. Amen mangaja te ovel buteder policajcija hem siguribaskere čuvarija, rano socijalno uložibe hem intenzivno buti primal o grupiriba hem ekstremistija so koristinena nasilstvo.

BUTEDER LIBERALIKANI POLITIKA

Oja baši Evropa. Amen mora te kera buti jekhethane kaj te šaj te uspenja e klimakere opasnostejja, e internacionalno čoribaja hem te la odgovornost bašo manuša soj ko našiba. Amen mangaja te ovel buteder EU-maškarbutikeribe hem te khuva ko Evro.

Spasibe e asistiribaskoro servizi. O pravo bašo personalno asistiribe dela e manušenge so isi olen bare funkciniribaskere činavibe šajibe te dživdinen jek dživdipe sar sa o javera. Disavo var i sloboda mora te koštinel.

Trebela te isplatinel pe te isplatinel pe o školujbe, te kerel pe buti zorale hem te vodinel pe firme. Amen mangaja te tiknjara o porezija.

Biribaskoro pravo ko barvalodživdipa. Arakhibe o kvaliteti hem sar amare porezeskere love koristinena pe, ama te na našavdžovel o butkulturipe.

Muk o phure korkori te odlučinen. Te ovel polokhe okolenge so mangena te keren buti buteder. Manuš te šaj te vakere butder sar te ovel e phurengoro arakhibe. Te ovel buteder bešibaskere forme so ka birinen pe



PREDUPREDIBE! Liberalikani sođrina. Šaj te ovel ladžakerutne e populistenge, ekstremistenge hem socialistenge. I fakta hem o humanistipe šaj zorale te phagel o predrasude hem o populistibe.